



# NEWSLETTER

DOSM/BPPAS/1.2022/Siri 29

## INDUSTRI GETAH MALAYSIA 2021

### Sejarah Penanaman Getah

Industri getah asli di Malaysia bermula pada tahun 1877 di Kuala Kangsar, Perak. Anak pokok getah yang ditanam adalah daripada spesis *Hevea Brasiliensis*. Sebanyak 2,000 anak pokok getah telah berjaya dihidupkan dalam *Wardian cases*, iaitu rumah kaca yang bersesuaian dengan suhu dan iklim di Brazil. Sebahagian daripada anak pokok itu telah dibawa ke Ceylon dan selebihnya sebanyak 22 anak pokok dihantar ke Taman Botani, Singapura dan sembilan anak pokok dihantar ke Kuala Kangsar. Estet getah pertama telah wujud di Melaka pada tahun 1902/1903. Keluasan penanaman getah mula berkembang hingga mencapai kemuncaknya iaitu seluas 2.06<sup>1</sup> juta hektar pada tahun 1979.

Pokok getah dari spesis *Hevea brasiliensis* (gambar) merupakan benih terawal daripada 11 benih yang ditanam di Malaysia. Dibawa dari Brazil oleh Henry Nicholas Ridley pada tahun 1877, ditanam berhampiran Pejabat Daerah dan Tanah Kuala Kangsar semasa Perang Dunia ke-2.



Nota: <sup>1</sup> Keluasan meliputi estet dan pekebun kecil

### Kategori Getah

Terdapat tiga kategori utama getah yang digunakan pada masa ini iaitu getah asli, getah sintetik dan getah tebus guna:



- 1 Getah asli dihasilkan dari pokok getah yang kebanyakannya ditanam di negara-negara Asia Tenggara.
- 2 Getah sintetik merupakan getah tiruan yang diperbuat daripada bahan mentah seperti *butadiene*, *styrene* dan *isoprene*.
- 3 Getah tebus guna pula dibuat dengan mengolah sisa pelbagai bahan getah seperti tayar dan tiub dengan kaedah pemanasan dan penggunaan bahan kimia.

Sumber:

1. [https://ms.wikipedia.org/wiki/Pokok\\_getah](https://ms.wikipedia.org/wiki/Pokok_getah)
2. Portal Rasmi Majlis Perbandaran Kuala Kangsar
3. <https://www.ibef.org/>



Pengeluaran getah asli dunia berjumlah 14.8 juta tan metrik pada 2020. Thailand menerajui kedudukan tertinggi dengan mencatatkan pengeluaran getah asli sebanyak 4.7 juta tan metrik iaitu sumbangan 31.7 peratus daripada jumlah pengeluaran. Ini diikuti oleh Indonesia dengan pengeluaran 3.4 juta tan metrik (22.7%) dan Viet Nam pula 1.2 juta tan metrik (8.3%). Manakala, Malaysia menduduki tangga ketujuh sebagai negara pengeluar getah asli dunia pada 2020 dengan merekodkan pengeluaran sebanyak 0.5 juta tan metrik (3.5%).



## Thailand

Thailand menghasilkan dalam lingkungan 4.5 hingga 4.8 juta tan metrik getah asli setahun (2015-2020) dengan peningkatan sebanyak 5.3 peratus pada 2020 berbanding pengeluaran pada 2015. Selari dengan penghasilan getah asli yang tinggi, Thailand turut menduduki tangga teratas bagi negara pengeksport getah asli dunia pada 2020 dengan nilai eksport sebanyak USD3.5 bilion.




## Indonesia

Indonesia sebagai pengeluar kedua terbesar getah asli dunia mencatatkan pengeluaran antara 3.1 juta tan metrik hingga 3.7 juta tan metrik setahun bagi tempoh 2015-2020. Kawasan pengeluaran getah utama adalah terletak di Sumatera dan Kalimantan.



## Viet Nam

Viet Nam pula merupakan negara ketiga terbesar pengeluar utama getah asli dunia dengan mencatatkan peningkatan 21.1 peratus pada 2020 berbanding 1.0 juta tan metrik getah asli pada 2015 (2020: 1.2 juta tan metrik).






Sektor pertanian khususnya getah asli merupakan satu komoditi yang turut menyumbang kepada ekonomi negara. Pada 2021, sektor getah menyumbang 0.2 peratus kepada Keluaran Dalam Negara Kasar (KDNK) negara, sedikit menurun berbanding pada 2015 (0.3 peratus).

## Pengeluaran

Malaysia merupakan negara ketujuh sebagai pengeluar getah asli dunia pada 2020. Pada 2021, Malaysia mencatatkan pengeluaran 469.7 ribu tan metrik menurun 8.7 peratus berbanding tahun sebelumnya (2020: 514.7 ribu tan metrik). Pengeluaran getah asli negara dalam tempoh enam tahun (2015-2021) juga merekodkan penyusutan kadar pertumbuhan purata tahunan 6.9 peratus (2015-2021) dalam pengeluaran getah asli.


Pengeluaran Getah Asli, Malaysia, 2015-2021



## Penggunaan

Malaysia menduduki tangga kelapan sebagai pengguna getah asli dunia pada 2020. Namun, penggunaan getah asli Malaysia pada 2021 berjumlah 502.0 ribu tan metrik menurun 3.2 peratus berbanding tahun sebelumnya (2020: 518.7 ribu tan metrik). Negeri Selangor merupakan negeri utama pengguna getah asli negara dengan sumbangan 58.1 peratus kepada jumlah penggunaan 2021.

Penggunaan Getah Asli, Malaysia, 2015-2021



Negeri Utama Pengguna Getah Asli, Malaysia, 2021






## Industri sarung tangan getah penyumbang utama penggunaan getah asli

Meskipun tidak mampu bersaing dari aspek pengeluaran getah asli, Malaysia masih mempunyai kelebihan dari sudut industri hiliran berdasarkan getah sebagai pengeluar sarung tangan terbesar dunia iaitu 62.0 peratus (Berita Harian, 19 April 2020).

Dalam tempoh enam tahun (2015-2021), penggunaan domestik getah asli tertinggi dicatatkan pada 2020, kesan daripada pandemik COVID-19. Walau bagaimanapun, pada 2021 pasaran sarung tangan getah dilihat kembali normal dengan mencatatkan penurunan 5.2 peratus berbanding tahun sebelumnya selari dengan penurunan kes jangkitan di peringkat dunia.

Penggunaan Domestik Getah Asli Mengikut Industri, Malaysia, 2015-2021




## DAGANGAN

### Eksport

Jumlah eksport dan import getah asli Malaysia didorong oleh pelbagai faktor antaranya adalah pengeluaran, penggunaan domestik dan stok. Eksport getah asli Malaysia berjumlah 653.2 ribu tan metrik pada 2021.

Jumlah eksport bagi lima negara utama iaitu China, Amerika Syarikat, Jerman, Finland dan Turki pada 2021 adalah sebanyak 426.0 tan metrik atau bernilai RM2,912.4 billion (2020: 407.4 ribu tan metrik; RM2,315.6 bilion). China menjadi rakan dagang negara yang utama iaitu pengimpor tertinggi getah asli Malaysia dengan menyumbang 48.3 peratus kepada jumlah eksport negara pada 2021 (2020: 51.8 peratus).

Eksport Getah Asli, Malaysia, 2015-2021



Eksport Getah Asli 5 Negara Utama, Malaysia, 2021





Sumber: Jabatan Perangkaan Malaysia

# DAGANGAN

## Import

Thailand merupakan pembekal utama getah asli ke Malaysia pada 2020 dan 2021 dengan sumbangan sebanyak 39.1 peratus (478.1 ribu tan metrik) dan 42.5 peratus (512.8 ribu tan metrik) daripada jumlah keseluruhan import getah asli negara (2020: 1,221.9 ribu tan metrik, 2021: 1,207.3 ribu tan metrik). Ini diikuti Filipina (13.0 peratus) dan Myanmar (6.8 peratus). Jumlah import getah asli bagi lima negara utama pada 2021 (Thailand, Filipina, Myanmar, Vietnam dan India) ialah 767.5 ribu tan metrik iaitu bernilai RM5.2 billion.




Sumber: Jabatan Perangkaan Malaysia

# PASARAN GETAH


Harga getah dipengaruhi oleh pelbagai faktor yang menyokong jangkaan harga yang memberangsangkan termasuk harga minyak mentah dunia yang tinggi, peningkatan pengeluaran kenderaan global, kekurangan bekalan getah dan kelemahan nilai ringgit berbanding dolar Amerika Syarikat.

Pada akhir tempoh 2021, harga purata sekerap dan SMR 20 mencatatkan 713.00 sen per kilogram dan 584.07 sen per kilogram meningkat 18.8 peratus dan 13.4 peratus berbanding akhir tempoh tahun 2020.



Sumber

- Sumber:  
1. Lembaga Getah Malaysia  
2. World Bank Commodity Price Data



## Cuaca dan Penyakit

Malaysia terus berdepan ketidaktentuan pengeluaran getah disebabkan oleh beberapa faktor. Antaranya adalah faktor cuaca/monsun tidak menentu yang memberi kesan kepada aktiviti torehan. Selain itu, penyakit *Pestalotiopsis* yang mengancam tanaman getah di Malaysia yang turut mempengaruhi pengeluaran susu getah di peringkat ladang.



### Penyakit luruhannya daun *Pestalotiopsis*

- *Pestalotiopsis sp.* adalah sejenis kulat yang menyebabkan penyakit pada tumbuhan di kawasan tropika dan beriklim sederhana.
- Kulat ini menjangkiti daun, tangkai, dahan dan pokok getah yang menyebabkan keguguran daun getah matang.
- Serangan penyakit ini menyebabkan pengurangan produktiviti hasil sehingga 50%.

**Industri getah negara terus berdepan ketidaktentuan**

Oleh Alzahri Alzaa - Julai 19, 2021 @ 8:05pm  
zahir@th.com.my



(Gambar fail) - NSTP/MUHD ASYRAF SAWAL

KUALA LUMPUR: Industri getah negara kini berdepan pelbagai cabaran seperti cuaca tidak menentu, ketidakstabilan harga serta kesan kawalan perjalanan ekoran pandemik COVID-19.

Sumber:

1. RISDA
2. Berita Harian
3. Sinar Harian

## Komoditi Lain

Hambatan kemajuan dan faktor harga menyaksikan banyak pekebun kecil dan estet getah digantikan dengan penanaman sawit serta pembangunan harta tanah. Komoditi lain seperti sawit turut tidak terkecuali dalam sumbangan kepada KDNK negara dengan menyumbang sebanyak 2.8 peratus pada 2020. Penanaman getah di Malaysia turut terkesan berikutan lonjakan permintaan dan harga sawit yang tinggi. Situasi ini mendorong pengusaha tanaman getah bertukar kepada penanaman sawit yang dilihat mampu memberikan hasil pulangan yang lebih stabil dan berterusan.

**Harga sawit terus melonjak sehingga awal 2022**

Diari 26.01.2022 @ 11:00am



Harga perunit awal tahun ini mencapai harga pemulaian, iaitu RM1.50 perunit. Harga ini akan berubah setiap kali harga minyak sawit meningkat atau turun. Bloomberg

KUALA LUMPUR: Peringkat harga sawit melonjak kira setengah awal 2022 walaupun hasil kelangsungan pertumbuhan minyak sawit di Malaysia dan halia belum siap berlaku kerana penyelesaian alihna, meningkatnya penggunaan minyak masakan yang paling banyak digunakan di dunia. Ia boleh merentaskan harga minyak sawit marjan (CBOT) hasil mingguan segerak mencapai peratusan hingga 20% tetapi ia adalah juga mengalami penurunan segerak merentas di bawah separuh zonca RM1.071 satu ton.

## Guna Tenaga

Dari segi faktor guna tenaga, sektor pertanian khususnya masih bergantung kepada pekerja asing. Penutupan sempadan dan sekatan pengambilan pekerja asing baharu mendorong kepada kekurangan pekerja dan seterusnya memberi kesan kepada hasil pengeluaran getah asli di Malaysia.

**Malaysia kekurangan lebih 500,000 pekerja sektor ladang komoditi**

Diari 22.01.2022 @ 11:00am



KUALA LUMPUR – Malaysia masih berdepan kekurangan lebih 500,000 pekerja sektor perlindangan komoditi dengan anggaran masing-masing 220,010 pekerja tempatan dan 265,397 pekerja asing berbasir bagi sektor pertanian berkira 10%

# KERANGKA INDUSTRI GETAH



Bahan Mentah

- Lateks
- Bekuan ladang/cup lump
- Getah Keping



Bahan Proses

- Standard Getah Malaysia(SMR)
- Lateks Pekat
- Getah Rumusan Khas



Hiliran/Downstream  
(Manufacturing)


Getah & Produk berdasarkan getah

- Sarung tangan
- Tayar
- Bahagian Automotif



Secara ringkas, industri getah bermula dari peringkat huluan iaitu peringkat penanaman yang merupakan sumber kepada bahan mentah yang kemudiannya diproses kepada beberapa jenis getah yang lebih tahan lama. Getah ini kemudian diproses untuk menghasilkan produk-produk berdasarkan getah seperti tayar dan tiub, sarung tangan getah serta benang getah yang kemudiannya dipasarkan bagi memenuhi keperluan domestik dan antarabangsa. Rajah Rich Milky Fluid Malaysia, 2021 menunjukkan peringkat pengeluaran getah asli sehingga kepada penghasilan produk berdasarkan getah untuk pasaran.

## RICH MILKY FLUID MALAYSIA, 2021



Nota:

1. \* Termasuk Getah keping basah, tidak diasap
2. Unit pengukuran merujuk tan metrik

Sumber:

1. Kementerian Perusahaan Perladangan dan Komoditi
2. Jabatan Perangkaan Malaysia

## PROSES PENANAMAN GETAH



Penanaman anak pokok getah.



Membaja mengikut jadual.



Kawalan rumpai dengan kaedah penyemburancan racun rumpai.



Cara totehan pokok menggunakan teknik saluran berpilin naik pada batang pokok menurut pusingan ke kanan yang membentuk  $30^{\circ}$  pada ufuk.



Pisau untuk menoreh hendaklah diasah terlebih dahulu menggunakan batu asah.



Cawan plastik/tembakar dipasang di bawah zink sudu pengalir dan diikat pada pokok getah.



Cuka getah dicampurkan ke dalam susu getah untuk menghasilkan getah sekera.



Sekerap ditanggalkan dari cawan untuk dikumpulkan.



Sekerap yang dikumpul akan dipindahkan ke dalam lori untuk dihantar ke kilang.

Sumber:

1. RISDA Pulau Pinang
2. <http://animhosnan.blogspot.com/2019/04/pemisahan-industri-komoditi-dan-makanan.html>